

জাতীয়

মাছ চাষে নতুন প্রযুক্তি, বাংলাদেশে বিনিয়োগে আগ্রহ নরওয়ের

প্রতিবেদক: ঢাকা প্রোব ডেস্ক

প্রকাশের তারিখ: রোববার, ৩০ আগস্ট ২০২৬, ০৫:২৩ PM



বাংলাদেশের মৎস্য খাতে আধুনিক প্রযুক্তি ও বিনিয়োগের সম্ভাবনা নিয়ে নরওয়ের সঙ্গে নতুন করে আলোচনা হয়েছে। স্থলভিত্তিক আধুনিক মৎস্যচাষ পদ্ধতি বাংলাদেশে চালুর পাশাপাশি প্রযুক্তি হস্তান্তর ও বিনিয়োগের সুযোগ খতিয়ে দেখতে আগ্রহ প্রকাশ করেছে দেশটি।

মঙ্গলবার (১১ আগস্ট) মৎস্য ও প্রাণিসম্পদ মন্ত্রণালয়ের প্রতিমন্ত্রী সুলতান সালাউদ্দিন টুকুর সঙ্গে বৈঠক করেন বাংলাদেশে নিযুক্ত নরওয়ের রাষ্ট্রদূত হাকন আরান্ড গুলব্রান্ডসেন। বৈঠকে নরওয়ের আধুনিক মৎস্যচাষ প্রযুক্তি, বিনিয়োগ ও জ্ঞান হস্তান্তরের সম্ভাবনা নিয়ে আলোচনা হয়।

বৈঠকে নরওয়ের মৎস্য প্রযুক্তি প্রতিষ্ঠান নোরাস ওয়াটারটেক এএসের আঞ্চলিক প্রতিনিধি অ্যাজাইল রিসোর্সেসের মাধ্যমে আধুনিক স্থলভিত্তিক মৎস্যচাষ পদ্ধতি উপস্থাপন করা হয়। এ প্রযুক্তির মাধ্যমে সীমিত জায়গায় নিয়ন্ত্রিত পরিবেশে মাছ উৎপাদনের সুযোগ রয়েছে বলে সংশ্লিষ্টরা জানান।

নরওয়ের রাষ্ট্রদূত বৈঠকে বাংলাদেশের মৎস্য খাতে বিনিয়োগ এবং আধুনিক প্রযুক্তির জ্ঞান হস্তান্তরের সুযোগ ও সম্ভাবনা অন্বেষণের আগ্রহের

কথা জানান।

এ সময় গ্যালাসের প্রধান নির্বাহী কর্মকর্তা কবীর আহমেদ ভূঁইয়া, মৎস্য ও প্রাণিসম্পদ মন্ত্রণালয়ের সচিব মো. দেলোয়ার হোসেন, মৎস্য অধিদপ্তরের মহাপরিচালক ড. খালেদ কনক, মন্ত্রণালয়ের যুগ্ম সচিব বেবি রানী কর্মকার, নরওয়েজিয়ান দূতাবাসের ডেপুটি হেড অব মিশন আলেকজান্ডার ফাঙ্ক-বিল্ডেন, অ্যাজাইল রিসোর্সেসের প্রতিষ্ঠাতা ও প্রধান নির্বাহী কর্মকর্তা কামরুজ্জামান খান সোহেল উপস্থিত ছিলেন।

সংশ্লিষ্টরা মনে করছেন, নরওয়ের আধুনিক প্রযুক্তি ও বিনিয়োগ বাংলাদেশের মৎস্য খাতে উৎপাদনশীলতা বাড়ানোর পাশাপাশি পরিবেশবান্ধব ও টেকসই মাছ চাষের নতুন সম্ভাবনা তৈরি করতে পারে।

এ বিভাগের আরও খবর



ভারতের সঙ্গে মর্যাদার ভিত্তিতে সুসম্পর্ক প্রত্যাশা করে বাংলাদেশ: স্পিকার
জাতীয় সংসদের স্পিকার হাফিজ উদ্দিন আহমেদ বীর বিক্রম বলেছেন, বাংলাদেশ ও ভারতের মধ্যে মর্যাদার ভিত্তিতে প্রতিবেশীসুলভ সুসম্পর্ক বজায় থাকা প্রয়োজ...



খাগড়াছড়িতে সেনাবাহিনীর বিনামূল্যে চিকিৎসাসেবা, উপকৃত ৮৬১ রোগী
দুর্গম পার্বত্য অঞ্চলের মানুষের স্বাস্থ্যসেবা নিশ্চিত করতে খাগড়াছড়ি জেলা সদর হাসপাতালে বিনামূল্যে চিকিৎসাসেবা দিয়েছে বাংলাদেশ সেনাবাহিনী। এ....



ডেঙ্গু প্রতিরোধে সপ্তাহে অন্তত এক ঘণ্টা সময় দিতে হবে: প্রধানমন্ত্রী
রাজধানী ঢাকাসহ দেশের বিভিন্ন স্থানে ডেঙ্গুর প্রাদুর্ভাব বৃদ্ধি পাওয়ায় তিন মাসব্যাপী ডেঙ্গু প্রতিরোধ ও পরিচ্ছন্নতা অভিযান-২০২৬-এ উদ্বোধন করেছ...



জ্বালানি সংকট বর্তমান সরকারের তৈরি নয়, ফ্যাসিস্ট সরকারের তৈরি: প্রধানমন্ত্রী
গ্যাস-বিদ্যুতের সংকটের কারণে জনগণের যে ভোগান্তি হচ্ছে, সে বিষয়ে সরকার সচেতন বলে জানিয়েছেন প্রধানমন্ত্রী শাহরুহ রহমান। তিনি বলেছেন, এই জ্বালানি...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/national/machh-chashe-ntun-prjukti-bangladeshe-biniyoge-agrh-nroyer>